

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KTK 0054052 23
Zenica, 07.10.2024. godine
OPĆINSKOM SUDU VISOKO
Sudiji za prethodno saslušanje
VISOKO

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, p o d i ž e m

O P T U Ž N I C U

Protiv:

Č. A., neosuđivana

Što je:

U toku 2022. godine u V., u svojstvu odgovorne osobe u Federaciji i to kao direktorica Autoškole „U...“ d.o.o. u kojem svojstvu je ovlaštena Odlukom o imenovanju direktora Društva i lica ovlaštenog za zastupanje od 14.11.2007. godine i Statutom Društva za usluge, unutrašnju i spoljnu trgovinu od 01.01.2011. godine i to članom 17. u kojem se između ostalog navodi da direktor zastupa i predstavlja Društvo, organizuje i rukovodi poslovanjem, samostalno donosi odluke osim onih koje su u nadležnosti Skupštine i odgovoran je za zakonitost u poslovanju Društva, s namjerom da drugome pribavi korist prekoračila granice svoje službene ovlasti na način da je suprotno odredbama člana 178. stav 1. Zakona o osnovama bezbjednosti saobraćaja na putevima u Bosni i Hercegovini ("Sl. glasnik BiH", br. 6/2006, 75/2006 - ispr, 44/2007, 84/2009, 48/2010, 48/2010 - dr. zakon, 18/2013, 8/2017, 89/2017, 9/2018, 46/2023 i 88/2023) i suprotno odredbama člana 20. stav 1. točka f) Pravilnika o osposobljavanju za vozača motornih vozila ("Sl. glasnik BiH", br. 46/12, 12/18, 74/18 i 16/21) koje odredbe propisuju uslove koje treba ispunjavati osoba i autoškola kako bi mogli osposobljavati kandidate iz poznavanja propisa o bezbjednosti saobraćaja na cestama a to je da autoškola ima zaposlenog jednog radnika sa stečenim zvanjem diplomirani saobraćajni inženjer cestovnog saobraćaja koji posjeduje licencu predavača teoretske nastave, angažovala Autoškolu „C...“ d.o.o. Sarajevo da u svojim prostorijama vrši osposobljavanje njezinih kandidata iz poznavanja propisa o bezbjednosti saobraćaja na cestama, pa umjesto da svoje kandidate za vozače motornih vozila uputi u Autoškolu „C...“ d.o.o. Sarajevo, kandidate Z. A., K. M., S. A., B. A., F. S., F. B. i H. Z. je edukovala u svom stanu, koji se nalazi na adresi D. R., iako nije bila osposobljena za to, nakon čega im je znajući da isti nisu osposobljeni kako je propisano, a što je i htjela, prema prethodnom dogovoru od Autoškole „C...“ d.o.o. Sarajevo, pribavila krivotvorene potvrde o završenom osposobljavanju, koje je upotrijebila kao prave i predala kao dokaz prilikom prijave polaganja ispita iz poznavanja propisa o sigurnosti saobraćaja na putevima u Ministarstvu za obrazovanje, nauku, kulturu i sport Zeničko-dobojskog kantona, iako je znala i bila svjesna da ne posjeduje stručnu spremu diplomiranog inženjera drumskog saobraćaja i licencu predavača teoretske nastave za osposobljavanje kandidata iz poznavanja propisa o sigurnosti saobraćaja na putevima, da za navedeno osposobljavanje Autoškola „U...“ d.o.o. nema odobrenje nadležnog

Ministarstva za obrazovanje, nauku, kulturu i sport Zeničko-dobojskog kantona jer u stalnom radnom odnosu nema nijednog predavača teoretske nastave na koji način je navedenim kandidatima pribavila pravo na polaganje ispita iz poznavanja propisa na putevima, što je i htjela, na što kandidati nisu imali pravo, jer ih za to nije osposobila ni Autoškola „C...“ d.o.o. Sarajevo, pa je tako:

- Kandidatkinji Z. A. omogućeno polaganje ispita iz propisa o sigurnosti saobraćaja na putevima na osnovu krivotvorene Potvrde o uspješno završenom osposobljavanju iz propisa o sigurnosti saobraćaja na putevima od 29.12.2022. godine,
- Kandidatkinji K. M. omogućeno polaganje ispita iz propisa o sigurnosti saobraćaja na putevima na osnovu krivotvorene Potvrde o uspješno završenom osposobljavanju iz propisa o sigurnosti saobraćaja na putevima od 08.10.2022. godine,
- Kandidatkinji S. A. omogućeno polaganje ispita iz propisa o sigurnosti saobraćaja na putevima na osnovu krivotvorene Potvrde o uspješno završenom osposobljavanju iz propisa o sigurnosti saobraćaja na putevima od 01.09.2022. godine,
- Kandidatkinji B. A. omogućeno polaganje ispita iz propisa o sigurnosti saobraćaja na putevima na osnovu krivotvorene Potvrde o uspješno završenom osposobljavanju iz propisa o sigurnosti saobraćaja na putevima od 23.08.2022. godine,
- Kandidatkinji F. S. omogućeno polaganje ispita iz propisa o sigurnosti saobraćaja na putevima na osnovu krivotvorene Potvrde o uspješno završenom osposobljavanju iz propisa o sigurnosti saobraćaja na putevima od 08.10.2022. godine,
- Kandidatkinji F. B. omogućeno polaganje ispita iz propisa o sigurnosti saobraćaja na putevima na osnovu krivotvorene Potvrde o uspješno završenom osposobljavanju iz propisa o sigurnosti saobraćaja na putevima od 08.10.2022. godine,
- Kandidatu H. Z. omogućeno polaganje ispita iz propisa o sigurnosti saobraćaja na putevima na osnovu krivotvorene Potvrde o uspješno završenom osposobljavanju iz propisa o sigurnosti saobraćaja na putevima od 01.09.2022. godine,

Čime je počinila produženo krivično djelo „Zloupotreba položaja ili ovlaštenja“ iz člana 383. stav 1. u vezi s članom 55. KZ FBiH.